




M'am'a anaifwa Kandze Kazungu.

Kwao ni Vilwakwe.



Mara nyinji nikukala anahendza kusonga nyereze sana. Anahendza kukala musafi sana. Iye nikuamba ni vidzo kukala asafi.



Wakathi wa madzach'a kabila siswi kulamuka, Iye nikukala anashera muhala. Iye nikuamba, "Kukala na muhala mudzo nikuinga adudu."





Kishe badaye andangira jikoni na kuandza kuhugit'ira chai. Anaamini kukala chakurya cha madzach'a nikuhup'a nguvu za siku.






Hukilamuka nikuhugesha. Gonya badaye akafuhaka mafuha mirini mwehu.





Kishe nikuhakikisha nguo zidzapigwa pasi na ni safi. Anaamini kukala hukikala asafi hundashoma t'ot'ot'o.





Amarigizaho, m'am'a ni kuhala kikahanache na kwenda sokoni kibandani kwakwe.




Kuko sokoni m'am'a nikukala anahendza
kulamusana na majiranie mahendao kazi
hamwenga. Iye nikuamba ni vidzo kuhendzana na
at'u t'ot'ot'o.





Kishe nikupanga kibandache t'ot'ot'o na
kikavuhira at'u makirao. Kila mara nikukala
anapata at'u anji madzao na kugula vit'u kwakwe.





Ifikaho dziloni m'am'a nikuhumira p'ikip'iki
kwenda mudzini. Mana ndo usafiri ambao
unapatikana kahi za kidzidzi chehu.





Akifika mudzini, m'am'a ni kuhala tsoka na kutsanga k'uni ili ahugit'ire chakurya cha dziloni. Iye anamini ni vidzo kuhenda kazi kwa bidhii.



Kishe humarigizaho kurya m'am'a nikuhusaidhiya
kuhenda kazi hudzizogerwa sikuli kabila kwenda
lala. Iye nikuamba ni vidzo kuhenda kazi
hudziyoigerwa sikuli t'ot'ot'o. Na vivi ndo vit'u
m'am'a ahendazho kila siku.

